

安

藏

通

素
舒
平
和
如
學

重修安徽通志卷一百四十六

職官志

名宦十

廬州府

漢王景字仲通潁郡人建初八年為廬江太守先是民不知牛耕地力有餘食常不足景驅率吏民教用犁耕又訓令蠶織為作法制皆著於鄉亭後漢書本傳

應融字義高汝南人守廬江八年有惠政後漢書本傳

范式字巨卿金鄉人順帝時為廬江守有威名後漢書本傳

羊續字興祖太山平陽人桓帝時廬江太守會黃巾賊攻舒焚燒城郭續發男子二十以上皆持兵勒陳其小弱者使負水灌

火力戰大破之安豐賊戴鳳等作亂續復擊破斬首二千餘級

重修安徽通志卷一百四十六職官志 廬州府

生獲渠帥其餘黨貸與佃器使歸農業後漢書本傳

盧植字子幹涿郡人靈帝時拜廬江太守深達政宜務存清靜

宏大體後漢書本傳

陸康字季甯吳人靈帝時廬江太守申明賞罰擊破賊黃穰等

袁術遣孫策攻康康固守受敵二年城陷病卒後漢書本傳

魏劉靖馥子黃初中遷廬江太守詔曰卿父昔為彼州今卿復

據此郡可謂克負荷者也靖為政初雖如碎密終於百姓便之

有馥遺風魏志劉

張特涿郡人守合肥新城及諸葛恪圍城將陷乃謂吳人曰此

城中尚有半人不欲降我當還相語之且持我印綬去為信吳

人聽其辭而不取其印綬不攻特乃夜出諸屋材柵補其闕二

重明日乃謂吳人曰我但有鬪死耳吳人大怒進攻之不能克

遂引去三國志少帝紀注

吳顧雍吳人州郡表薦弱冠為合肥長有治蹟三國志本傳

呂蒙汝南富波人魏使廬江謝奇為斬春典農屯皖蒙曰皖田

肥美若一收熟彼眾必增宜早除之於是權親征皖破之嘉其

功拜廬江太守三國志本傳

晉華譚字令思廣陵人永甯中廬江內史時石冰之黨陸珪等

屯據諸縣譚遣司馬褚敦討平之又遣別軍擊冰都督孟徐獲

其驍率以功封都亭侯晉書本傳

陶侃郡陽人徙家尋陽廬江太守張夔召為督郵領縱陽令有

能名遷主簿會州部從事至郡欲有所按侃曰若鄙郡有違自

當明憲直繩不宜相偏若不以禮我能禦之從事即退晉書本傳

陳荀朗字深明潁陰人侯景之亂朗招率徒旅據巢湖開簡文

重修安徽通志卷一百四十六職官志 廬州府

投朗豫州刺史令與外藩討景朗更招致部曲至數萬人侯景

敗於巴陵朗出濡須截景破其後軍陳書本傳

隋韓擒虎東垣人開皇初高祖潛有吞并江南之志以擒虎有

文武才用夙著威名於是拜為廬州總管委以平陳之任其為

敵人所憚及大舉伐陳以擒虎為先鋒擒虎率五百人襲采石

守者皆醉遂取之進攻姑孰半日而拔次於新林江南父老素

聞其威信來謁軍門晝夜不絕隋書本傳

唐賈深長樂人乾元中廬州刺史有文武才略推心馭下治有

嘉績李華碑文

李翱字習之廬州刺史歲旱疫亡籍口四萬權豪賤市田屋而

棄戶仍輸賦翱下教使以田占租收豪室稅萬二千緡貧弱以

安唐書本傳

鄧繁字蘊武廬州刺史黃巢掠淮南繁移檄請毋犯州境巢爲
欽兵州獨完歲滿去贏錢千緡藏州庫後他盜至終不敢犯鄧

使君錢唐書本傳

五代周宋琪蜀人周世宗時金陵歸款趙贊鎮廬州表琪爲觀
察判官部有冤獄琪辨之免死者三人宋史本傳

宋謝惟士陳畱人建隆初以大理評事出爲廬江令江淮新定
繕修縣治撫綏士民境內以安南畿志

何蒙洪州人太平興國中通判廬州時火燔廨舍權務俱盡蒙
假民器貸鄰郡麴米爲酒既而課入增倍戶部使上其狀詔資

緡錢獎之宋史本傳

陳堯佐字希元閬州人嘗知壽州歲饑出俸米爲糜粥食餓者
吏人悉獻米至振數萬人徙廬州以方嚴東下使人知畏而重

重修安徽通志卷百四十六職官志名宦廬州府

犯法至其過失多保佑之宋史本傳 歐陽修 陳公神道碑 增修

劉筠字子儀大名入再知廬州臨事明達治尚簡嚴宋史本傳

劉穀字居正虞鄉人眞宗時知廬州強敏有吏材所至挫抑豪

右振舉文法宋史本傳

陳希亮字公弼眉州人仁宗時執政欲以爲大理少卿希亮願
得一郡以自效乃以爲宿州州跨汴爲橋水與橋爭常壞舟希

亮始作飛橋無柱以便往來皇祐元年盜起宛句以希亮爲曹
州悉擒其黨淮南饑安撫轉運使皆言壽春守王正民不任職

坐免詔希亮代之轉運使調里胥米而蠲其役凡十二萬石米
翔貴民益饑希亮至除之且表其事旁郡皆得除久之徙知廬

州虎翼軍士屯壽春者以謀反誅遷其餘數百人於廬皆自疑
不安有竊入府舍將爲不利者希亮笑曰此必醉耳貸而流之

盡以其餘給左右使令守倉庫皆感德指心誓爲希亮死宋史本傳

張田字公載澶淵人嘉祐末知廬州治有善迹嘗作清賢堂繪
古昔清刺史像晨夕拜之宋史本傳

楚建中字正叔洛陽人仁宗朝以天章閣待制出知無爲軍廉
靜不擾去後民立祠祀之明隆慶廬州府志

傅堯俞字欽之鄆州人由侍御史出知和州通判楊洙問曰公
以直言斥居此何爲未嘗言及御史時事堯俞曰今爲郡守當

宣朝廷美意而反追言前日之闕政與誹謗何異徙知廬州司
馬光嘗謂邵雍曰清直勇之德人所難兼吾於欽之見焉宋史本傳

王質字子野莘人由壽州徙知廬州盜殺其徒并貲而遞捕得
之質論盜死大理以爲法不當死質疏上不報請監舒州靈仙

重修安徽通志卷百四十六職官志名宦廬州府

觀逾年韓琦知審刑院請盜殺其徒非自首者勿原著爲令於
是鄭戢葉清臣皆言質非罪且稱其材宋史王祐傳

孫覺字莘老高郵人神宗時爲合肥主簿歲旱州課民捕蝗輸
官覺言民方艱食若以米易之必盡力是爲除害而享利也守

悅推其法於他縣熙寧二年詔知諫院青苗法行覺條奏其安
安石怒出知廣德軍徙廬州宋史本傳

朱服字行中烏程人以直龍圖閣知潤州歷徙廬州廬人饑便
宜振護全活十餘萬口逾年大疫又課醫持善藥分拯之賴以

安者甚眾宋史本傳

楊告字道之縣竹人調廬江尉時張景節吏死而吏捕急逃歸
告懼不見納告曰君勿憂也吾死生與之景卒免宋史本傳

王遵紹聖初知無爲軍健於吏才興三圩開十二井又築北領以捍水患世蒙其利南畿志

吳懋字禹功陽羨人徽宗時令廬江時劇盜劉五掠州縣去廬江繼一驛懋之官行至中途或止之懋笑曰男兒當斬賊平亂鼠輩何爲者今行縛之矣賊聞不敢入境南畿志

黃陞字進仲建州蒲城人崇寧二年進士知合肥縣當兵興之際一切供給賦取於民陞隨事力爭有不得已視其等衰而均之吏不得因緣爲姦福建通志

陳確字瑩中南劍州沙縣人觀中以右司諫劾蔡京謫知無爲軍爲政廉平明隆慶廬州府志

米芾字元章吳人政和間知無爲軍善察民冤行法不畏強禦嘗有飛蝗入境不傷禾稼人咸異之舊注宋史文苑傳按本傳不載

重修安徽通志卷百四十六 職官志 名宦 廬州府 五

趙善俊太宗七世孫紹興中知廬州會歲旱江浙饑民屬至善俊括境內官田均給之貸牛種僦屋以居死者爲給槥人至如歸州城舊毀於兵善俊葺完之因言異時恃巢湖以通餽餉今既湮涸宜募鄉兵保孤姥二山治屋儲粟敵或敗盟則吾城守有餘餉道無之又增築學舍新包拯祠春秋祀之人感其化後再知廬州復葺陂七門堰農政用修免屬邑坊場河渡羨錢百

姓德之宋史本傳

岳飛字鵬舉湯陰人紹興三年烏珠舊作元光劉豫合兵圍廬州高宗手札命飛解圍提兵趨廬僞齊已驅甲騎五千偪城飛張岳字旗與精忠旗金兵一戰而潰廬州平十一年謀報金分道渡淮飛請合諸帥之兵破敵師至廬州金兵望風而遁宋史本傳

張宗顏字希賢延安人紹興八年知廬州總帥事敵數百騎抵城下宗顏以騎百餘禦之敵退有至自淮北者傳金人言曰此張鐵山弟也宋史本傳

城下宗顏以騎百餘禦之敵退有至自淮北者傳金人言曰此張鐵山弟也宋史本傳

趙康直紹興中知廬州鄭瓊之叛與判官呂祉同死於戰明統志

劉錡字信叔順德軍人紹興中以淮北宣撫判官駐太平州金兵攻廬和二州錡自太平抵廬州據東關之險以遏其衝引兵出清溪兩戰皆勝行至柘皋與金將夾石梁河而陣河通巢湖廣二丈錡命曳薪疊橋須臾而成會諸軍奮擊之敵大敗宋史本傳

仇念字泰然益都人以淮西宣撫使知廬州劉豫子麟合金兵大入念募廬壽兵得數百益鄉兵二千出奇直抵壽春城下敵三戰皆北其後麟復增兵來寇念復戰壽春城下俘馘甚眾尋詔詣闕軍民號送宋史本傳

趙汝談字履常甯宗時知無爲軍與安豐守陸峻俱稱循吏宋史本傳

重修安徽通志卷百四十六 職官志 名宦 廬州府 六

丁仁禮陵人甯宗時知無爲軍築堰以溉田民呼丁公堰宋史本傳

宇文紹節字挺臣廣都人甯宗時知廬州時韓侂胄方議用兵紹節至郡議修築古城剏造砦柵專爲固圉計宋史本傳

江珪理宗時巢縣令飭縣治振士風修學校宋史本傳

王亨廬州守劉豫遣將王世冲以番漢兵攻廬州亨誘斬止冲大敗其眾宋史本傳

洪福夏賈家僮積勞加右武大夫知鎮巢貴既臣附於元招福不聽貴至城下好語語福請單騎入城門發而伏兵起執福父子福子大源大淵諱曰法止誅首謀何至舉家爲戮福叱曰以一命報宋何至告人求活大罵請向南死以明不背國宋史本傳

元郝彬信安人世祖時同知淮西道宣慰使事覈戶版理屯田

諸廢修舉江淮財賦總管府掌東宮田賦其官屬皆從詹事院奉授不隸中書往往爲姦利誅求無厭彬爲總管入見請受憲司糾察以革私弊罷所隸六提舉司以蘇民瘼從之一統志

特穆爾巴哈世祖孫天恩初封宣讓王鎮廬州至正十二年境內賊起廉訪使陳思謙勸特穆爾巴哈以所部兵分道擊賊擒其渠帥廬州境內皆平一統志

恩克圖至元中鎮廬州以私財築室一百二十餘間以居軍士之貧者事聞特命升其秩一統志

塔海廬州路總管時飛蝗北來民患之海禱於天蝗即引去亦有墜水死者民乏食開廩減直俾民糴之所活甚眾元史本傳

王碩河南人延祐初無爲州同知廉潔有幹才不畏疆禦嘗檄清理學田搜決隱漏凡得田一百一十九頃又追積負糧米三

重修安徽通志卷百四十六 職官志 名宦

七 廬州府

百石自是廩有餘粟士得餼養李森卿王君碑

變理溥化蒙古人泰定間舒城縣達嚕噶齊歲旱民饑富家閉糴眾將肆焚掠溥化獎勵好義之民令出錢糴穀驗口賜給

四境以安江南通志

明董曾洪武初知無爲州陳友諒陷城被執欲其降不屈沈之

江一統

李嵩咸甯人知廬州府歲旱悉心賑救蝗不入境立俵馬法定

鹽鈔價勘河橋廣儲蓄善政具興一統志

蘇敬昌平人洪武初廬州推官刑政不苛擢知府莅任入載甚

得民心卒於官百姓無不流涕南畿志

伍塾字貢均廬陵人洪武中知廬江開設縣治招撫流移嘗手

書孝經諭語教民誦讀江南通志

樂瓚潞州人洪武十年知無爲州剛毅信直吏民畏服前徽志

劉穀字原實龍泉人補無爲知州除水面錢均夫差門無私謁江西通志

鄒以信廬陵人永樂五年知無爲州政尚德教州人感化以博學能文稱文章太守南畿志

王仕錫南城人永樂二十二年知無爲州興學勸農修廢舉墜任滿民請留之復任九年南畿志

揭稽字孟哲廣昌人宣德十年以御史出知廬州興革悉中矩度先是永樂中遷齊藩於廬州王素驕衛士強攫民物爲郡害

重修安徽通志卷百四十六 職官志 名宦

八 廬州府

劉顯豐城人宣德十年知舒城縣課農桑興學校開水利與漢劉馥俱祀羹頤侯廟江南通志

杜彪魏縣人知無爲州初下車故不事事案牘紛積吏胥以爲可欺已而情弊灼然迺振紀綱均賦役鋤強扶弱民大悅服江南通志

程文確山人成化中知舒城縣通練吏治興學校修水利歲災爲民懇免歲辦繇賦尋擢御史江南通志

馬金字汝礪西充人初授廬州通判再遷知府歷任久盡去宿蠹建余忠宣公祠又創景賢書院修郡學尊經閣購書藏之江南通志

齊恩隆德人無爲州同知善騎射流寇犯圖山檄恩往禦以眾寡不敵死之贈光祿寺丞江南通志

吳英裕州人成化間知巢縣理治繁劇井然有條奸胥無所措手江南通志

梅江嘉興人進士授廬江令興利剔蠹政聲藉甚士民畏愛之

浙江通志

孫佐宏治中任廬州府學教授性敦厚寡言笑授生徒以經學

寒暑不倦有貧乏者分俸周之

胡賜宏治中知廬江縣廉威明直抑強扶弱重築邑城民永賴

之明統

楊璉字廷佩原武人正德中知廬州府時劉瑾專政境內有巨

惡張杲璉張龍兄也璉發其奸撲殺之庫吏循故事以羨餘獻

璉曰盜官錢者法當遺速令歸之庫

通志

聶曼字子貞金谿人廬州教授遂於易學終日端坐無惰容僚

友喪葬多所扶助諸生尤貧者月給以米

通志

孫聰字克明北直人正德中知合肥寇亂之後招撫流移悉心

重修安徽通志

安集通志 卷百四十六 職官志 名宦 廬州府

龍誥字孔錫攸縣人正德中知廬州府嘉靖癸未大旱開廩設

粥平糶營建惠民倉鎮淮樓藉力役以給食所活數萬道死者

設義冢瘞之

吳嶽字汝喬汶上人嘉靖中知廬州府設旌善癉惡二亭分列

民之賢不肖朔望進諸生講經義歲大疫擇醫藥設局以療之

稅課千金例輸府悉白上臺貯公帑西山產薪惟供官爨弛其

禁與民共之

胡奎字應文新淦人嘉靖閒廬州推官議刑無失人註誤者多

為辨脫通志 張瀚字子文仁和人嘉靖閒知廬州州西關故有濠源出李陵

糴販數獻大獄多所平反

通志

屠仲律字宗預嘉興人嘉靖庚申以南御史出知廬州府諳於

吏治而愛民尤切歲歉罄囊代輸秋稅不復徵補會疾作百姓

祈禱四出願以身代竟卒於官

通志

王家賓嘉靖閒知廬州府卹荒興學皆極誠懇以拂權貴去官

通志

潘恕字行甫海陽人嘉靖閒知合肥縣吏民一見輒記名姓置

學田數百畝歲收以給寒畯

陳其樂貴溪人嘉靖中知合肥縣雖居官家人不廢紡績其同

邑夏言執政未嘗一逼音問

通志

喻南嶽字極夫新建進士遷廬州知府新安人扶重賁遊無為

州人某利其有拉殺之而匿其屍事已半載南嶽坐堂上問

重修安徽通志

左右曰階之下披髮短裳而水淋漓者誰耶左右無對嶽曰若

有冤第為若理卽沐浴禱於城隍神明日呼左右一人來授以

名居令往捕之一訊輒服

江西通志

陳懋觀長樂人隆慶初知廬州府遇事以禮嘗曰每見諸生暴

階下心卽不安斷獄不輕入罪情法相麗者猶矜慎再三

何寵臨海人由進士知無為州不事苛察而法所當施絕不寬

假倭入寇江上羽書日至寵築城池中嚴烽燧一方賴焉

王俸字廉父秀水人萬曆中知廬州府剔蠹息民歲大旱手執

通志

稿禾流涕禱壇壝且拜且行赤日正午雷雨忽大作

通志

江沛然黃岡人以給事中謫任廬州府經歷署廬江縣事積弊

之後力為振刷廉巨奸寘之法一境肅清

通志

陳應龍字起田侯官人萬曆十五年知無為州濱江一帶為圩

通志

• 1635 •

三百六十有奇盛夏江流內灌膏腴盡沒應龍親歷汗萊相度累月申請照糧派夫築隄五千二百七十餘丈民名之曰陳公壩

通志

何邦漸字紹渠浪穹人萬曆中知無爲州州歲徵漕米八千九百有奇約以十之四運黃維河交兌北上餘由長江行千三百

里解鳳陽江濤覆溺及虧耗需索甚爲民害邦漸請留鳳陽臨

淮二縣米充鳳餉而本州併於黃維河交兌彼此稱便

通志

胡震亨字孝韓海鹽人萬曆中知合肥英察若神民扞網者輒指數姓名蠹吏不敢有所犯邑有世家畜犯竊震亨責以錢諭

令改行其人感愧向善

通志

洪邦光字世龍同安人知無爲州除養馬免糧田外一切歲辦不均邦光酌議申請分秋糧夏麥絲絹糖油四則以稅糧馬價

重修安徽通志

卷百四十六

職官志

名宦

十一

廬州府

照畝均攤至今垂爲定例

通志

王觀光字子聞福建晉江人知舒城縣縣富民多飛灑脫役貧者益困觀光總計米額設法派貼貧富始均有屠謀殺其伴投

屍與刀潭中仍自控訴亟馳視之有蛙跳蓮葉鳴不已使汲水

驗之得屍屠刀在焉遂抵罪一妖男子以婦貌入富貴家事發

不訊立斃之遷刑部主事有富商奴吳榮擁資數十萬投魏瑄

反噬其主瑄敗繫獄榮布賄求脫觀光立擬決輿論稱快

通志

增新

吳大樸固始人崇禎時知廬州乙亥春流寇薄城大樸守東門

發礮斃其魁火燒城外民居之爲賊窟者又起礮樓臨濠東石

插賊不敢偏

通志

熊文舉字公遠新建人崇禎時知合肥縣爲政廉平流賊薄城

文舉分守西偏築威遠亭其上指畫有方

通志

張化樞雲南人崇禎間任漢陽推官以事來謁史可法因畱署

無爲州州城陷爲賊擁至桐城城下使賺門化樞大呼曰我無

爲州知州也賊脇我至此慎勿開城賊立刃之後葬桐城西門

廬州府志

嚴覺歸安人崇禎中知巢縣愛士愛民剔除奸蠹乙亥春流寇

破城被執不屈死之家屬同時殉難

明史

趙興基雲南太和人崇禎中爲廬州府通判賊張獻忠抵城下

遣其下僞爲諸生以入城中大擾興基時守水西門聞變下戍

樓與關斬數人被創死

明史

鄭元綬浙江人崇禎末廬州府經歷流寇攻廬州元綬分守南

薰門力戰死

明史

重修安徽通志

卷百四十六

職官志

名宦

十一

廬州府

國朝趙允光大興人順治初知廬州府時兵燹之後流亡未復允

尤招徠撫字輕徭均賦民獲其利無爲巢縣間有頑民聚黨爲

患允光捕之悉獲其魁繩以法

一統志

張鵬翔字鵬舉陝西人順治丁亥進士知合肥縣爲政和平嚴

不傷効寬不病縱當時以爲循吏

通志

吳允昇字賓廷奉天人順治九年知廬州府寡欲省刑民被其

惠時歲連旱允昇設法賑濟全活者眾學宮圯壞捐貲繕葺士

民立祠祀之

一統志

王業興字鳴石奉天人順治中知廬州府值海氛偏境業興親

率家丁及營卒登陴捍禦屢挫賊鋒州得無恙治郡十三年勸

課農桑減省刑獄民咸德之又出俸錢建斗文書院聚諸生肄

佟國楨奉天人順治中知無爲州瀕江田廬特圩壩爲捍蔽十六年三壩將圯國楨相度形勢自鮑家橋至周思溝豫築隄四千丈有奇名曰四壩後三壩傾而田廬卒無恙一統志

王宗聖奉天人順治中知舒城縣年甫弱冠詳慎如老吏斷訟莅事吏不能欺兵燹後安輯流亡威德並著江南通志

張可捷大同人順治中知舒城縣爲人惻怛無華不炫才不沽名安靜寬和始終如一蔬食布袍順民好惡一時稱良吏焉江南通志

祁文友廣東人順治十八年知廬江縣清丈量均里甲平賦役勸農桑一統志

薛之佐字鶴齋蒼溪人知廬州府精明強幹剔弊釐奸豪強不逞之徒皆潛徙境外士民頌之江南通志

重修安徽通志卷百四十六職官志名宦
三廬州府

聶源字天水宣化府人知廬州府爲政寬簡愛民禮士值大兵至郡軍需旁午源殫心籌畫民以不擾引年歸士民泣送之江南通志

顏堯揆永春人康熙六年知無爲州時前令佟國楨所築新壩漸爲江濤所齧堯揆自李家祠至王家渡築壩八百八十丈闊三丈高一丈九尺次年大水田廬恃以無恙并和州含巢二縣皆賴焉州民勒石於壩上名曰顏公壩一統志江南通志

何朝聘奉天人康熙初知舒城縣明敏有才略正賦不缺於供而民無催科之擾招民墾田給以牛種治舒七載獄訟衰息一統志

董守義奉天人康熙中知舒城縣有幹濟才逆藩之亂舒爲衝邑官兵往來絡繹舟車芻糗應時而辦閭閻無擾邑人戴之一統志

萬人長睢甯歲貢康熙中年九十三始任舒城訓導骨體剛健課士不懈善畫山水年九十六告歸又二十五年乃卒舒城縣志新

李衍芳字微遠雲南人康熙二十三年知廬州邑南有二湖環湖皆圩田惟缺口一河通江洩水豪民每截河作壩障上流以資灌漑澇則以鄰爲壑又編竹橫於河以收魚利民病之芳特申請除之江南通志

朱振浙江嘉興府進士康熙中任舒城知縣漕糧紅白分納民苦於揀米振請得免濬七門堰開包家堰以溉民田積勞卒官祀名宦祠廬州府志新

重修安徽通志卷百四十六職官志名宦
廬州府

孫承祚漢軍正白旗人康熙中任廬江知縣善折獄奸猾不得逞九愛士獎勸備至刻有廬江課士錄任九年士民戴德卒官廬江縣

蔣鶴鳴秀水人爲舒城知縣舒自明以來水道淤塞田多旱患鶴鳴下車卽講求濬治捐俸勸輸士民樂助是歲適遭荒歉卽令貧民受值執役不三月開久湮之河七十餘里民不告勞工亦速竣浙江通志新

徐大枚字梅麓奉天人雍正初知廬州府居心仁厚聽斷公平子文燦乾隆閒復以海門同知權知廬州府亦多善政今廣益局卽所創建廬州府志

陳慶門字容駟陝西盩厔人雍正七年任廬江知縣修學宮倡捐六千金築城濬濠置義田建社倉遷四川達州知州廬江縣志

蔡長澤字巨源漳浦人乾隆開知廬州府增置書院田租土賴以養清釐案牘無十日不結者廬州志

方芬字香浦香山人乾隆開知廬江縣清廉自矢案無留牘在任貽累數千金以艱歸士民鹹贊代償乃得行廬江志

馮愿青州人乾隆初署無爲州以文學飾吏治尤愛敬文士而於官事仍無所徇後以誼諫去士民咸惜之無爲州志

李廷績字熙堂江蘇太倉人任無爲州吏目乾隆乙巳歲旱饑僱民婦收養遺嬰至次年麥熟止又與州紳捐貲爲收贖賣妻鬻子之費無爲州志

狄寬江蘇溧陽進士乾隆十年任巢縣知縣興水利親歷田畝挑塘四千三百餘處巢湖多風濤置船救生增設義學延師教導士民觀感十七年卒官祀名宦祠閩縣志

重修安徽通志卷百四十六職官志名宦廬州府

趙霖河南人乾隆開署無爲州巡撫朱珪檄委挑濬上河霖躬親督理不避風雨催集民夫仍寓軫恤民情鼓舞先期歲工州人德之後卒鳳陽同知喪過無爲弔賻者數千人無爲州志

郭起元字復齋福建閩縣人以賢良方正授舒城知縣下車釋冤獄數十人福建通志

趙瓚奉天人乾隆十五年任廬州府倡修郡學置書院田產以贈膏火增建講堂齋舍二十餘楹貯書其中故士氣蒸蒸益知

廬學廬州志

劉作垣甘肅武威人乾隆十六年知舒城縣創龍山書院置田

租建講堂嚴立規條士民蒸蒸然化之舒城志
王成江蘇鎮洋人乾隆二十二年知廬州府爲政務在大體使官與民不隔則弊自除修築城垣建肥津牖以溉民田又葺演

武廳令兵弁隨時訓練廬州志
徐鳳嶠江蘇金壇人官舒城教諭嚴立規條勤於訓課一時英俊皆出其門舒城志

孫榮昇字曉帆山東膠州人嘉慶十八年任無爲知州恩威並著建緒溪正蒙兩書院及養濟院士民稱之無爲州志

盧澤字芷泉江蘇山陽舉人嘉慶二十二年官舒城教諭獎掖後進訓導駱騰鳳亦以能文名舒城人稱爲盧駱舒城志

王椿林字柳樵山西文水舉人道光初署旌德懷遠補巢縣所至興利除害表揚節孝清釐詞訟十一年巢縣水決虔禱河神

水勢頓止捐廉辦賑蒸麪爲饘計口散給一日領數日之需饑民稱便費近二千金巢縣志

彭鳴九字鶴泉湖南衡陽人懷甯三橋巡檢道光元年調合肥

重修安徽通志卷百四十六職官志名宦廬州府

梁園巡檢好善嫉惡剛直不阿擒獲盜賊擒匪處以嚴刑奸宄斂跡有陳氏節婦爲夫弟偏縊者密白上官雪其冤論如律盛

夏施丸散解溫疫布衣蔬食廉俸外不取民間一絲一粟愛民息訟懷甯合肥人至今稱誦之以子玉麟官

贈光祿大夫兼振威將軍略

沈祥勳貴州松桃廳人道光中任合肥知縣值歲旱步行祈雨甘霖卽沛府城圯捐資重修又捐穀千石倡建豐備倉十九年

任宿州政平訟理升泗州知州卒官貧不能具棺衾遺書數篋而已祀名宦祠宿州志
劉丙字石久山西陽城副貢任舒城知縣以勤廉稱道光辛丑水漲賑貧戶禁囤積平米價海疆警官兵道出舒城籌辦供給四民按堵無徭役之累舒城志

余國卿字方屏四川遂甯舉人道光二十八年署舒城知縣有
告許者數語折服民以青天呼之歲屢潦匪徒饑民行劫國卿
擒首惡多人解散餘黨勒捐賑濟濱水墳圯骸露封瘞之成隴
焉舒城縣志

吳祥麟浙江人張文斌亳州志宛平人先後任合肥知縣均於

咸豐三年從江忠源守廬州城陷同死之文斌字浣江道光開

任霍邱善治盜賊愛民如子霍邱人勒石誌遺愛是年甫自毫

州調署合肥遂及於難毫人哀思之合肥縣志

張靖字松亭漢軍進士勇敢質直巡撫李嘉端奏調至皖咸豐

四年署合肥知縣髮逆據三河鎮靖集練進剿受傷投河死合肥縣志

王映奎漢軍人任合肥知縣咸豐八年七月髮逆自舒城犯廬

車修安徽通志卷一百四十六職官志名宦廬州府

州城陷死之合肥縣志

穆其琛字海航四川華陽舉人巴縣教諭同治元年總督曾國

藩奏調隨營代理無爲州知州以守城禦寇靜鎮堅定奏准實

授時州城初復庶務草創其琛簡要節儉以息民爲事尤愛植

士林買半墩田畝爲學校公需五年卒官無爲州志

蔡家馨字楚香湖北鍾祥拔貢同治四年任巢縣知縣兵燹之

餘經營善後勸捐重建學宮於縣治故址又建書院耆耄於定

林寺廢址巢縣志

陳元泰咸豐十一年以府經歷署舒城縣帶勇擊賊吳家畝九

井等處又會同楚軍剿賊中梅河并克復縣城生擒賊目張天

燕等積功保知縣修理城垣設米倉凡善後事宜次第具舉舒城縣志

重修安徽通志卷一百四十七

職官志

名宦十一

鳳陽府

漢宋均字叔庠安眾人建武中遷九江太守郡多虎患均到退奸貪進忠善虎遂東渡中元元年山陽楚沛多蝗飛至九江郡

輒東西散去後漢書本傳

梁統烏氏人世祖時為九江太守有治績吏人畏愛之後漢書本傳元賀宕渠人肅宗時歷九江太守沛郡太守以清潔稱後漢書第五倫傳

樂巴內黃人順帝時遷沛相有政績後漢書本傳

楊匡陳畱人順帝時補蕪長政有異績後漢書一統志

重修安徽通志卷一百四十七 職官志 名宦 一 鳳陽府

陽球漁陽泉州人建甯中拜九江太守時九江山賊起連月不解球到設方略凶賊殄破收郡中奸吏盡殺之後漢書本傳

王吉浚儀人熹平中為沛相曉達政事能斷察疑獄發起奸伏多出眾議專選剽悍吏擊斷非法後漢書本傳

袁忠汝陽人初平中為沛相乘輦車到官以清亮稱後漢書袁安傳

時苗建安中為壽春令始之官用黃犢牛駕車歲餘生一犢及去為主簿曰令來時本無此是淮南所生也畱之而去後漢書

舒仲應建安中為沛相袁術以米十萬斛與為軍糧仲應悉散以給饑民術怒將斬之仲應曰知當必死故為之甯可以一人之命救百姓於塗炭後漢書袁術傳

魏鄭渾河南開封人文帝即位遷沛郡太守郡患水滂百姓饑乏渾於蕭相二縣界興陂竭開稻田躬率吏民興之功夫一冬

開皆成比年大收頃畝歲增租入倍常民賴其利刻石頌之號

曰鄭陂三國志本傳

袁渙陳郡扶樂人為沛南部都尉是時新募民開屯田民不樂多逃亡渙白太祖曰夫民安土重遷不可卒變易以順行難以逆動宜順其意樂之者乃取不欲者勿彊太祖從之百姓大悅

晉劉頌字子雅廣陵人武帝時除淮南王相在官嚴整甚有政績舊修芍陂歲用數萬人豪彊兼并孤貧失業頌使大小戮力計工授分百姓歌其平惠晉書本傳

宋垣護之字彥宗桓道人為鍾離太守王元謨攻滑臺護之百舸為前鋒魏牽元謨水軍大艘連以鐵鎖三重絕護之路護之中流而下以長柯斧斷之惟失一舸餘舸並全宋書本傳

封延伯渤海人垣崇祖為豫州表薦之起家為平西長史梁郡太守為政清靜有高士風南史本傳

齊沈文季字仲達武康人尚書右僕射建武二年魏寇壽春詔刺史遙昌固守詔文季領兵鎮壽春文季入城嚴加備守魏軍尋遜齊書本傳

梁曹景宗字子震新野人天監五年魏拓跋英寇鍾離梁書本傳

往援破之梁書本傳

北魏元澄宗室襲封任城王宣武初除揚州刺史下車封孫叔敖之墓毀蔣子文之廟朝議南伐以澄總勒大眾所在克捷詔書褒美北史本傳

北周游元任城人歷壽春令譙州司馬俱有能名北史本傳

王述字長述霸城人仁州總管有能名北史王述傳

隋張虔雄清河東武城人歷壽春陽城二縣令俱有治績隋書張虔雄傳

趙軌洛陽人爲壽州總管長史芍陂舊有五門堰蕪穢不修軌

更開三十六門灌田五千餘頃唐書本傳

元孝矩洛陽人拜壽州總管高祖賜璽書曰楊越氛祲侵軼邊鄙爭桑輿役不識大猷以公志存遠略故令鎮邊服懷柔以禮

稱朕意焉隋書本傳

唐員半千字榮期齊州人爲濠州刺史不專任吏常以文雅粉飾禮化大行唐書本傳

高智周晉陵人拜壽州刺史其治尙文雅行部先見諸生質經義及政得失既乃錄獄訟考耕餉勤惰以爲常唐書本傳

李瀾永泰初爲斬令梁宋兵興瀾諭降劇賊數千人刺史曹升

重修安徽通志卷百四十七 職官志 名宦 鳳陽府

襲敗之賊疑瀾賣已執瀾及其弟渤兄弟爭相代死瀾女亦求代父皆遇害一統志

張鑑字季權河南人大厯初出爲濠州刺史政條清簡延經術士講教生徒比去州升明經者四十人李靈耀反鑑團鄉兵嚴

守禦有詔褒美唐書本傳

張萬福元城人幼從征遼東有功累攝壽濠舒州刺史代宗召拜和州刺史賜名正德宗時李正己反屯兵埇橋江淮漕船不

敢踰渦口乃以萬福刺濠州帝曰先帝改爾名正者所以褒也朕謂江淮草木亦知爾威名若從所改恐賊不曉是卿復賜舊

名萬福馳至渦口駐馬於岸悉發漕船賊兵倚岸熟視不敢動

改泗州刺史唐書本傳

李遜字友道趙郡人累遷濠州刺史時觀察使多額外浮歛遜

一不應唐書本傳

侯固大中開濠州刺史奏乞增植桑無加稅有石刻在定遠縣

門唐書本傳

許孟容京兆人辟武甯張建封府李納以兵拒境建封遣使諭止前後三輩往皆不聽乃使孟容見納數引順逆納既悔謝罷

兵表爲濠州刺史德宗知其能召拜禮部員外郎唐書本傳

南唐李延鄒鄒陽人濠州錄事參軍郭廷謂降周時命草降表

延鄒責以忠義廷謂以兵脅之延鄒投筆曰大丈夫終不負國爲叛臣作降表遂遇害南唐書郭廷謂傳

五代周楊承信沙陝人顯德中擢中正軍節度使時徙州治下蔡承信增廣其城敗淮人於廬州累歷藩鎮刻勵爲政遺愛在

人宋史本傳

重修安徽通志卷百四十七 職官志 名宦 鳳陽府

宋王郁臨江人爲濠州判官將歿謂家人曰吾歷官逾五十年慎於用刑活人多矣後必有興者宋史王欽若傳

王審琦字仲寶洛陽人建隆二年爲忠正軍節度使在鎮八年爲政寬簡所部邑令以罪停其錄事吏幕僚白令不先咨府請

按之審琦曰五代以來諸侯強橫令不專縣事今天下治平我忝守藩維而部內宰能斥去黠吏何按之有宋史本傳

王祚并州祁人周顯德初華州刺史改鎮潁州均部內租稅補實流徙以出舊籍州境舊有通商河歲久湮塞祚疏導之遂通

舟楫宋初升宿州防禦使課民鑿井修火備築城北隄以禦水災宋史王溥傳

梁延嗣長安人太祖時爲濠州防禦使有善政詔書褒美一統志

楊覃字申錫浙人淳化中同判壽州巡撫使潘慎修上其政績

有詔嘉獎就命知州事數月詔還未上道會丁內艱州民列狀

乞留轉運以聞宋史本傳

崔立字本之鄆陵人眞宗時知安豐縣大水壞期思塘立躬督

繕治踰月而成宋史本傳

劉航魏人眞宗時知宿州押伴夏使使者多所邀請執禮不遜

且欲服毬文金帶入見航皆折正之一統

江澤天禧中知定遠縣率民修廢塘濬古港以灌高卬之地賜

詔獎焉一統志

張式字景則建安人天禧時知濠州州人縊其妻而以自殺告

獄既具式詰之立伏人以爲神終身不營田宅得祿卽以置書

曰子孫業此足矣南畿志

趙師揆字元輔除江東提舉奏免失陷常平人毋責償改淮南

重修安徽通志卷百四十七職官志 名宦 五 鳳陽府

漕尋遷淮西提刑兼領屯田事奏以荒圩給軍士其屯田爲民

世業者勿奪從之及代去吏請獻羨錢二十萬師揆曰後將病

民矣宋史本傳

魏揆字子浩知壽州盜殺寺童子有司執僧答服揆廉知其非

罪脫械縱去一府爭以爲不可後數日得眞盜宋史本傳

李若谷豐人知壽州豪右多分占芍陂陂皆美田夏雨溢壞田

輒盜決若谷擅冒占田者逐之每決輒調潁陂諸豪使塞隄盜

決乃止宋史本傳

連庶字居錫應山人仁宗時爲壽春令興學尊禮秀民以勸其

俗開潁淮田千頃縣大治宋史本傳

張昌字仲微河內人明道中淮南饑自詣宰相陳救荒之策命

知安豐縣大募富民輸粟以給餓者既而濬淶河三十里疏泄

支流注芍陂爲斗門溉田數萬頃外築隄以備水患宋史本傳

王克臣字子難洛陽人仁宗時通判壽州鼓角卒夜入州寢繫

郡將既就擒而監軍使所部被甲操刃立庭中克臣徐言曰此

不過爲盜耳遣甲者去戒卒勿妄引他人眾歡服宋史本傳

朱壽隆字仲山諸城人仁宗時知宿州州多劇盜至白晝被甲

剽攻郡縣不能制壽隆設方略耳目捕斬千餘人宋史本傳

吳奎字長文濰州人至和二年知壽州專以仁恕及民事至立

斷吏民久而思之舊志宋史本傳

張昇字杲卿韓城人嘗守濠州忠信清儉不受私謁分俸祿以

贍九族舊志宋史本傳

曾致堯字正臣南豐人知壽州州近京師諸豪大商結權貴號

爲難治致堯居歲餘斂手不敢犯人亦莫見其以何術而然也

重修安徽通志卷百四十七職官志 名宦 六 鳳陽府

既去壽人遮雷以一騎二卒逃去過他州猶有追之者歐陽修

盛修已通判宿州建炎三年盜入宿修已被執不屈爲所害南

康允之建炎中知壽春府渠賊丁進聚眾萬餘人攻城允之率

軍民固守賊解圍去奏至高宗謂輔臣曰此郡守得人之也

連南夫應山人高宗時守濠州舊有東西二城濠水經其間入

淮南夫決濠水由城西徑達於淮合二城爲一南畿志

楊照濠州將官金圍城急照躍上角樓刺賊俄中流矢卒有統

領丁元者呼其徒毋負國一舟二百人皆鬪死宋史本傳

魏孝友字移可甌甯人授迪功郎調濠州定遠令建炎三年潰

卒朱海擁眾數千人入縣界孝友率兵至永康鎮拒之海曰我假道而過秋毫不敢犯尙與公戰乎孝友不納麾兵擊之海怒悉取而前民兵潰孝友孤軍弗支遂被執死之事聞贈朝奉郎官其子福建通志

邵青紹興中爲兵馬鈐轄濠州陷青巷戰死之南畿志

王時升紹興中通判安豐軍言淮南土皆膏腴然地未盡闢民不加多者緣豪強虛占良田而無徧耕之力流民祿負而至而無開耕之地凡荒閒田許人割佃戶部議期以二年未墾者如所請京西路如之一統志

陳洙字聖涯甌甯進士知壽州安豐縣大興學校括廢田以養士修築芍陂水利邑民賴之性好施子家無贏餘有以貧苦貸者鬻產不靳官終奉議郎福建通志

重修安徽通志卷一百四十七 職官志 名宦

劉穎字公實西安人光宗時遷司農少卿淮西總領內府宣限既迫每移供軍錢以應歲輸穎蒐吏弊汰冗員分月綱解自是不復那移宋史

王阮字南卿江州人紹熙中知濠州請復曹瑋方田修种世衡射法日講守備與邊民訪北境事宜終阮在濠金不敢南侵宋史

崔與之字正字廣州人甯宗時調淮西提刑司檢法官民有窘於豪民逋負毆死其子誣之者其長欲流之與之曰小民計出倉卒忍使一家轉徙乎況故殺子孫罪止徒從之宋史

王寔字定叟東陽人理宗時知濠州節浮費糴粟買馬以備不虞尋差知安豐軍臣寮上言王寔在濠人甚安之不宜輕易詔再守濠職事修舉宋史

劉雄飛淳祐四年詔壽春守臣劉雄飛等以元兵圍城捍禦有功各官三轉宋史

李庭芝字祥甫應山人賈似道鎮京湖起爲制置司參議移鎮兩淮柵清河五口增淮南烽火百二十繼知濠州復城荆山以備淮南凡所籌措皆切中機宜宋史

趙士隆字景瞻太宗之後淮南西路兵馬鈐轄駐壽春刺賊丁一箭眾號十萬攻城三旬不退士隆募軍中敢死士數百出賊不意擊走之宋史

張斌理宗時爲濠州統制柘塘之戰歿於王事贈官三轉宋史

劉泰樞密院忠義軍前正將慷慨好義以私財募兵三百金人犯壽春泰率所部赴援轉戰身被數十創一夕死宋史

重修安徽通志卷一百四十七 職官志 名宦

元王庭玉字國寶清苑人至元十五年授招信路總管府達嚕噶齊崇教化勸農桑勵風俗境內稱治南畿志

李良佑泰山人爲靈璧縣尹縣經兵燹城郭爲墟至元二十四年復立縣良佑相度形勢內廩外市皆所經始江南志

張晉亨南宮人世祖中統四年命將兵戍宿州首言汴隄南北沃壤開曠宜屯田以資軍食乃分兵列營以時種藝選千夫長督勸之事成期年皆獲其利一統志

田誠仁宗時靈璧縣丞滿九載父老恐其遷去赴闕言其居職廉能撫民有道乞還之百姓詔以州判官職復任一統志

許敏仁宗時壽州州判善持己愛民民奏乞擢用卽用爲本州同知九載當遷民更乞再進秩還任一統志

安汝明甯晉人延祐中尹定遠興利除害三年土田闢戶口增

盜息賦均民無勞役江南通志

嚴忠信東昌人知濠州政尚嚴明大興學校南畿志舊志入明據定遠縣志移

谷杲字明之至治二年為安豐路總管有能聲南畿志

哈刺字元素賜姓金至順間為鍾離縣達嚕噶齊平反冤獄政

為諸邑最南畿志

吳昇字起東黃巖人至正間尹虹縣性廉潔才具亦優士民稱

之江南通志

張謙字文益高唐人至正六年安豐路總管歲饑賑卹有方多

所全活南畿志

明蔣子杰奉化人洪武初知鳳陽府寬嚴相濟惠政甚多南畿志

樂微洪武初知虹縣政教修舉百廢皆所興造江南通志

樂瓚陽城人洪武初知臨淮縣才具廉幹賦役均平江南通志

重修安徽通志卷百四十七職官志名宦

九鳳陽府

鄭真鄆縣人洪武中教諭臨淮多方造士曾晉王之國道經臨

淮召講春秋真開陳大意王甚喜南畿志

周榮蓬萊人洪武中靈璧縣丞有惠政坐累逮刑部耆老羣赴

轅下稱榮賢帝賜鈔及襲衣宴榮及耆老而還之尋擢知本縣

民益樂其寬惠一統志

楊浩江陵人永樂中知鳳陽府律已無私御下有道江南通志

楊鏞永樂中知懷遠縣廉謹愛民遷知沂州百姓攀留者數千

人江南通志

閻斌乾州人宣德初臨淮縣丞盡心撫字吏民愛服將代相率

詣上臺乞畱在官二十三年終始一節江南通志

何誠字則明莆田人正統初知虹縣清慎慈惠士民愛戴自舉

宮至道路百廢具舉訓誨生徒吏胥不尙嚴威每詣村落教民

植桑久賴其利自學宮以下據福建通志秩滿父老三百餘人詣闕請畱

會以疾卒百姓思之久而不忘江南通志

楊瓚正統間知鳳陽府持身廉介蒞政公勤入覲賜衣褒勞江南通志

通

白玉後軍都督府同知成化元年守禦鳳陽修復芍陂興水利

至今賴之廣輿記

章銳字元進鄆縣人成化間知鳳陽府持己公勤讞獄精審修

學宮刻中都志綱舉目張得為政大體江南通志

劉概濟甯人成化間知壽州發奸摘伏豪黠屏跡禁師巫斥淫

祀招延名儒振興黌序尤講禦荒之策量道里遠近分設豫備

倉又建石橋置義冢古良牧無以過焉江南通志

孫治字五美清江人成化進士知臨淮縣守己愛民興學作士

重修安徽通志卷百四十七職官志名宦

十鳳陽府

時權闡汪直陳廣以選妃責貢繼至所在需索動以千計治持

正不阿竟為二宦所中政安東遂棄官歸江南通志

曾大有字世亨麻城人宏治中知定遠縣凡黷舍官廨城郭坊

市悉為增拓修治撲滅妖氛孔布等一境宴然江南通志

吳九宮雲南後衛人正德初知臨淮縣莅政清平存心慈愛行

取赴關士民追送畱鞭懸於縣門之左江南通志

楊麓字孔瞻德州人正德初知定遠縣創建甌城民賴保江南通志

通

陳伯安字汝止黃陂人正德六年以御史謫知靈璧縣時流寇

楊虎擁眾來攻伯安被執不屈賊義而釋之歸益籌守禦之計

增高城若干尺鑿河八尺以環其外邑以獲全江南通志

蔣賢隴州人正德六年授靈璧主簿嚴正有為會楊虎入寇賢

輿指擄錢英率民捍禦被執大罵不屈皆遇害南畿志

趙楷嘉靖間知鳳陽縣身服布袍出入跨一羸馬從役二三人不畏強禦豪猾望風斂跡三日一至學宮拔弟子之秀者廩給之多所成就江南通志

劉燭字德輝完縣人嘉靖四年知定遠縣時大饑疫邑里蕭然燭撫循三年逃者以集居者以饒江南通志

劉采麻城人嘉靖中宿州知州歲饑請發帑金轉糴代民輸賦俟秋成取償漕使者不可采竟矯發之及秋而償民無負者一統志

劉天民字希尹歷城人嘉靖初知壽州崇獎節孝懲刈頑梗立鄉社以厚風俗北門石橋久圯增修二百餘丈積穀三萬石以備水旱江南通志

重修安徽通志卷百四十七 職官志 名宦 十一 鳳陽府

林大槐莆田人嘉靖間知懷遠縣持身清約日食止一蔬修復陂塘積儲倉粟卒於官至無以為斂士民悼之江南通志

張淵江西人隆慶初知鳳陽縣每節省歲支公費及兌運餘米以代百姓之不能輸者加意卹民而嚴於馭吏以蜚語劾去吏有進藏中鏹為道里費者笑曰吾肯以休官易操耶斥不受江南通志

陳永直蒲州人萬曆中授鳳陽捕盜通判執法甚嚴初至獲劇盜折其脛沈淮水中四境肅然江南通志

王存敬字明洲確山人萬曆三十年知懷遠縣時凶荒頻仍亟圖休養墾荒賑饑仁聲播於遠邇江南通志

黃克績晉江人萬曆中知壽州愛民禮士不避權要常語寮佐曰受職自有定分名節千古不磨申請編派等則名曰一條鞭

至今賴之江南通志

賈應龍安陽人萬曆中知臨淮縣縣自國初為鳳陽府治後府移鳳陽而縣仍名為附郭凡公事皆與鳳陽一例協辦民吏重困應龍始申請免之又調兩驛夫馬皆得均平江南通志

陳泰交莆田人萬曆中知靈璧縣首革催頭包攬之弊除河夫馬戶外幫與里甲各色科擾流亡復業者數千家江南通志

張中蘊永嘉人萬曆中知懷遠縣性亢直居官不攜眷屬一締袍數年不易後擢鳳陽府江南通志

張日益同安舉人知靈璧縣時河工興作動派里夫民苦額外征十室九竄日益請於上官第用帑金招募或願赴役者如數復其身上官急催役日益又具靈璧饑窮狀請寬之以賦不及格轉王官老幼泣送之為立去思碑福建通志

重修安徽通志卷百四十七 職官志 名宦 十一 鳳陽府

范紹表字次廉會稽人天啟初任糧馬通判署司理事攝鳳陽臨淮篆所至以廉能稱時鎮守太監劉鎮建魏璫生祠於臨淮紹表不肯屈膝世尤服其勁節江南通志

高達襄陽人崇禎七年流寇將犯懷遠達設兵多方疑誤賊引去懷遠縣志

周沂字友林崇禎間壽州學正勤於課士流寇圍城躬親守禦著守壽紀略一卷壽州志

張國翰鳳陽衛指揮崇禎八年流賊攻城督眾力戰退之十七年劉良佐叛兵攻城又募敢死之士縋城出戰城以得全江南通志

顏容暄漳州人復聖裔知鳳陽府流賊犯境遣兵助朱國相接戰及聞敗暄冠帶坐堂上罵賊不屈賊殺之火其屍於堂階石上血漬成形宛如其像郡人立冢建祠祀焉明史尹夢龍傳